



Konstruktivno i proaktivno partnerstvo

Bosna i Hercegovina može prevazići svoje trenutne političke poteškoće ako međunarodna zajednica ostane i dalje angažirana u ovoj zemlji, održavajući konstruktivno i proaktivno partnerstvo sa građanima BiH, izjavio je visoki predstavnik Valentin Inzko danas u Luksemburgu.

Visoki predstavnik je ovo izjavio na sastanku sa zamjenikom premijera i ministrom vanjskih poslova Luksemburga Jeanom Asselbornom.

Visoki predstavnik je rekao da postignuti sporazum kojim se stvaraju uslovi za formiranje Vijeća ministara, šesnaest mjeseci nakon općih izbora, stvara nadu da se uložena energija može ponovo usmjeriti na oživljavanje ekonomije BiH i vraćanje ove zemlje nazad na put ka Evropi.

On je rekao da međunarodna zajednica mora ostati aktivno angažirana kako bi se osiguralo da do ovoga i dođe. "Mi trebamo ostati i dalje angažirani. Trebamo stalno promovirati dijalog i govoriti jednim glasom", rekao je on.

Visoki predstavnik je zahvalio ministru vanjskih poslova Asselbornu za zalaganje Luksemburga u korist Bosne i Hercegovine, posebno pozitivnim stavom koji je ova zemlja imala u brojnim razgovorima o pridruživanju zemalja Zapadnog Balkana Evropskoj uniji.

Photo: MAE / Robert Steinmetz